

2021eko UZTAILAREN 28ko OSOKO BILKURAKO AKTA.

Tokia: Berako Herriko Etxea.
Eguna: 2021-07-28.
Hasiera ordua: 19:30.
Bilkura mota: ohikoa, 1. deia.

BERTARATUAK:

EH BILDU

José Esteban Aguirre Zubieta

Estibaliz Pinacho Olaciregui

Josu Iratzoki Agirre

Maialen Chantre Irazoki

HERRIRAKO

Nahuel Maximiliano Ibarburi Lompre

Raquel Quiroga Tapia

EZ EGOTE JUSTIFIKATUAK:

Julen Errandonea Martin

José Antonio Oyarzabal Iribas

Germán Castillo Lazcanotegui

ALDEZ AURRETIK JUSTIFIKATU GABEKO EZ EGOTEAK:

M. Aranzazu Zubieta Ochoteco

ALKATEA (Bilkurako buru):

Aitor Elexpuru Egaña

IDAZKARIA: Miguel José Belarra Tellechea, ekintzaren akta jasotzen du.

EZTABAIDATUTAKO GAIAK (behar bezala egindako deialdiaren Gai Zerrendan sartu zirenak):

1. AURREKO BILKURAKO AKTAREN ONARPENA.

Alkateak galdetu du zinegotziren batek oharren bat egin nahi ote dion deialdiarekin batera banatu zen aurreko bilkurako aktari (2021/07/01). Inork ez du azalpenik egin eta **aho batez** onartzen da akta.

2. MUSIKA ESKOLAREN 2021EKO PLANTILLA ORGANIKOA ALDATZEA (ADMINISTRARI LAGUNTZAILEAREN LANPOSTU-OSAGARRIA). HASIERAKO ONARPENA.

Ikusirik:

- 2020ko azaroaren 23ko osoko bilkuran hasiera batean onartu zela Berako Udaleko eta Musika Eskolako langileen 2021eko plantilla organikoa. Behin betiko onespina 2021eko urtarrilaren 11ko 5. zenbakiko Nafarroako Aldizkari Ofizialean argitaratu zen (administrazio-kontratua duten aldi baterako langileen izen-zerrendan egindako akatsa zuzendu zen 2021eko

PL210728. **DATU PERTSONALAK DISOZIATU EGIN DIRA.**

otsailaren 2ko 24. zenbakiko NAOko iragarkian).

- Isidoro Fagoaga Musika Eskolako administrari laguntzaile gisa lan egiten duen langileak, D mailan kokatuta dagoena, lanpostuko osagarria handitzeko eskatu duela, bere ordainsaria C mailan sartuta balego jasoko lukeenaren parekoa izan dadin. 2021eko uztailaren 1etik aurrera izango lituzke ondorioak.

- Idazkariak eta kontu-hartzaileak txostenak egin dituztela.

- Alkateak idatzi duela aldaketa proposamena.

Azaldutakoan oinarriturik, eta kontuan izanik aplikagarria den araubideak ezartzen duena, **aho batez ERABAKITZEN DA:**

1. Hasierako onespena ematea Isidoro Fagoaga Musika Eskolako langileen 2021eko plantilla organikoaren aldaketari, 2021eko uztailaren 1etik aurrerako ondorioekin, honela:

Plantilla organikoaren aldaketa:

* Lanpostua: administrari laguntzailea.

Kopurua: 1.

Araubide juridikoa: lan-araubidea.

Maila: D.

Mailako osagarria, %12.

Lanpostuko osagarria, %20,03.

Sarbidea: oposizio-lehiaketa.

Laneko egoera: lanaldi erdia, hutsik.

Euskara maila: C1 (idatziz eta ahoz).

Lan-erregimenean kontratatutako aldi baterako langileen izenen zerrendaren aldaketa, XXXi dagokionez:

Araubide juridikoa: Lan-erregimenean kontratatutako aldi baterako langilea.

Lanpostua: administrari laguntzailea.

Egoera administratiboa: jarduenan.

Aitortutako zerbitzuen data: 2001-01-08.

Maila: D.

Mailako osagarria, %12.

Lanpostuko osagarria, %20,03.

2. Espedientea jendaurrean jartzea 15 eguneko aldi, Nafarroako Aldizkari Ofizialean eta udal iragarki taulan iragarrita, nahi duenak aztertu eta erreklamazioak aurkez ditzan.

3. Ohartaraztea jendaurreko erakustaldian erreklamaziorik aurkezten ez bada, plantillaren aldaketa behin betiko onartuzat joko dela.

4. Erabaki hau jakinaraztea langileari.

Estibaliz Pinacho bilerara sartu egin da.

3. BERAKO UDAL PLANEKO ERAIKUNTZAKO ORDENANTZAREN 40. ETA 98.

ARTIKULUEN ALDAKETA. BEHIN BETIKO ONESPENA.

Ikusirik:

- Udalak 2021eko apirilaren 21ean egindako osoko bilkuran erabaki zuela hasierako onespena ematea Berako Udal Planeko Eraikuntzako Ordenantzaren artikulua hauen aldaketari: 40. artikulua (itxiturak eta eustormak) eta 98. artikulua (arotzeria hiriguneko bizitegi-eraikinetan).

- 2021eko ekainaren 10eko Nafarroako Aldizkari Ofizialean iragarri ondoren hasitako jendaurreko erakustaldian ez zela alegaziorik aurkeztu.

- Berako ondare eraikia babestearen garrantziari buruzko gogoetaren ondorioz, hasieran aldatutako 98. artikulua idazketan azalpenen bat sartzea komeni dela ikusi dela, eta letra etzanez nabarmendutako testua gehitu zaiola: “Hutsuneetako arotzeriak egurrezkoak izango dira (margotua edo bere kolorean) edo zura imitatzeke beste material batzuen (PVC, aluminioa), *eragotzi gabe Intereseko Eraikinen Inbentarioan eta Eraikuntza Babesteko Araudian ezarritakoa, hori izango baita eraikin mota horiei aplikatu beharreko araudia.*”.

Gaia eztabaidatu ondoren, Lurraldearen Antolamenduari eta Hirigintzari buruzko Foru Legearen Testu Bateginaren (1/2017 Legegintzako Foru Dekretua) 65. artikulua eta Nafarroako Toki Administrazioari buruzko 6/1990 Foru Legearen 325. eta 326. artikuluek xedatzen dutenarekin bat eginik,

aho batez ERABAKITZEN DA:

1. Behin betikoz onestea Berako Udal Planeko Eraikuntzako Ordenantzaren 40. eta 98. artikuluen aldaketa, aipatutako testua ere gehituta.

2. Behin betiko onespena eta aldaketaren testua argitaratzea Nafarroako Aldizkari Ofizialean eta dokumentua Plangintzako Erregistrora bidaltzea.

4. IRRATIA EMITITZEKO TRESNAK UDALETXEAN JARTZEKO LEKU ESKAERA.

Alkateak azaldu du Xorroxin Kultur Elkarteak Udalak laguntzeko eskaera bat aurkeztu duela. Funtsean, Udaletxeko teilatua antena bat jartzeko baimena eskatu du, eraikineko ganbaran kokatutako transmisore txiki bati lotuta.

Eskualdean emititzen duen tokiko irratia denez, eskatutakoa onartu beharko litzatekeela uste du, baina eskatzaileak informazio gehiago eman beharko lukeela: antenaren altuera eta ezaugarriak, proposatutako kokapena, etab.

Idazkariak jakinarazi du Udaletxeko teilatua antena jartzea jabari publikoaren erabilera komun eta berezitat har daitekeela, lizentzia behar duela, eta hori emateko eskumena alkateak duela (Nafarroako toki entitateen ondasunen erregelamenduaren 92. artikulua eta hurrengoak).

Horren ondoren, **aho batez ERABAKITZEN DA** Udalbatza lizentzia ematearekin ados

dagoela adieraztea, eskatzaileak informazioa osatu ondoren.

5. BANDOAK ETA ALKATETZAREN EBAZPENAK.

Honako bando eta Alkatetzaren ebazpen hauen jakinaren gainean geratu dira:

- Bandoak: B19/2021etik B22/2021 arte.

- Ebazpenak: 154/2021 zenbakiko Ebazpenetik (2021/06/14) 212/2021 zenbakiko Ebazpenera arte (2021/07/23).

Gai zerrendatik kanpo, presazkoa dela aho batez aitortu ostean, legeak eskatutako gehiengo osoa bete izanik, honako gai hau eztabaidatu da:

AHUNTZAK ENDARLATSA ALDEAN.

Ikusirik Nafarroako Gobernuko errepideak Zaintzeko Zerbitzuak bidalitako txostena, zeinean adierazten baita 10 ahuntz daudela Endarlatsa inguruan eta, ondorioz, harriak erortzen ari direla errepidera.

Kontuan hartuta Mendiei buruzko Erregelamendua onesten duen 59/1992 Foru Dekretuaren 45. artikulua debekatzen duela ahuntz-azienda sartzeari auzeratu edo zuzaitzeko dituzten mendiaren, eta azienda mota hori harrapatzeko modua arautzen dela 126. artikuluan,

aho batez ERABAKITZEN DA 59/1992 Foru Dekretuaren 126.3 artikuluan ezarritako prozedurari ekitea: bandoa argitaratu, eta hogeit hamar eguneko epea eman azientaren jabeak edo jabeek menditik ken dezaten; epe hori igarotakoan eta Udaltzarak beste erabaki bat hartu ondoren, abelburuak basatutako aberetzat joko dira, ehizarako.

6. ESKAERAK ETA GALDERAK. BESTE UDAL ORGANOEEN KONTROLA.

Ez dira izan.

Beste aztergairik izan gabe, 20:10ak direnean, alkateak bilera bukatutzat eman du, eta nik, neronek, idazkaria naizenez, ziurtatzen dut.

O.E. ALKATEA,
Aitor Elexpuru Egaña.

IDAZKARIA,
Miguel J. Belarra Tellechea.